



**Les Fleurs Des Vies Des Saints Et Des Festes De Toute
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles
Borromeo, & de Sainte Françoise ; Avec le Martyrologe Romain, pour
tous les iours de l'Annee ...

Ribadeneyra, Pedro de


Paris, 1631

xxix La vie de saint Loup Euesque de Troyes.

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)


nuits en prieres, penitences, & es ceures
 29. de charité. Elle demeura sept mois en ceste
 IUIL- sainte compagnie, mais nostre Seigneur per-
 MIT qu'un grand personnage, nommé Lucrese,
 LET. pretendit d'un aueugle conuoitise, de ioin-
 dre vne terre qui appartenoit à Beatrix avec la sien-
 ne. Pour en venir plus aisement à bout, sachant
 qu'elle estoit Chrestienne, il la fit appeler
 pour sacrifier aux Dieux: elle confessa haut &
 clair qu'elle estoit Chrestienne, & qu'en aucu-
 ne façon elle n'adoreroit les Dieux de bois & de
 pierre. Il la fit mettre en prison, & estrangler la
 nuit ensuiuant. Par ce genre de mort la glo-
 rieuse Vierge & martyre Beatrix, passa de ceste
 vie mortelle à l'eternelle, & sa sainte compa-
 gne Lucine enterra son corps aupres ceux de ses
 freres Simplician, & Faustine, & depuis le Pape
 Leon II. du nom, fit bastir vne belle Eglise à
 Rome, & y fit porter les corps de ces Ss. Mar-
 tyrs. mais afin que l'on sçache les mauuais suc-
 ces des conseils auaricieux, & qu'en fin nostre
 Seigneur descouure & chastie les subtilitez &
 artifices des meschans, faut entendre que Lu-
 crese apres la mort de sainte Beatrix, s'empara
 de la terre (qui auoit esté cause de sa mort, quoy
 que ce fust sous pretexte de la Religion) & le
 iour qu'il en print possession, il en fit vn festin
 par ordre à ses amys, où il se monstra si ioyeux
 que rien plus, se mocquant des saints martyrs,
 desquels il occupoit le bien: il y auoit vne nour-
 rice presente qui allaitoit son enfant, lequel in-
 spiré de Dieu, dit à haute & intelligible voix,
 Escoute Lucrese, tu as tué & possédé, & es
 tombé entre les mains de ton ennemy. Lucrese
 demeura tout esperdu, changeant de couleur,
 & le diable le posséda, & le fit mourir trois heu-
 res apres qu'il l'eut horriblement tourmenté. La
 perte de son ame seruit d'exemple à plusieurs,
 pour leur apprendre qu'il y a de la recompense à
 bien faire, & du chastiment à mal faire, & que
 Dieu leue le masque de ces tromperies & artifi-
 ces, & que ce que l'on obtient par mauuaises
 voyes, est vn cousteau & vn poison qui coupe
 la gorge, & fait mourir ceux qui s'en seruent
 pour y paruenir. L'Eglise celebre la feste de ces
 Saints le 29. iour de Iuillet, qui fut le iour de
 leur martyre, l'an de nostre Seigneur 302. sous
 l'Empire de Diocletian & Maximian. Tous les
 Martyrologes en font mention, le Romain, ce-
 luy de Beda, Vfuard, & Adon, es actes de saint
 Antime est escrit le sommaire de leur martyre.

LA VIE DE SAINT FELIX,
 second du nom, Pape & Martyr.

 Eglise ioint avec les susdits le mar-
 tyre de saint Felix Pape second du
 nom, qui estoit Romain de nation,
 & fils d'Anastase, & comme escrit
 Damase, tint le Siege de Saint Pierre quinze
 mois. Il assembla vn Concile à Rome, au-
 quel il condamna l'Empereur Constance Ar-

rien, se montrant ennemy des heretiques, &
 Pape courageux. Les Ariens le hayrent tant à
 cause de cela qu'ils luy firent perdre la vie, & l'E-
 glise en fait memoire comme d'un martyr. Son
 corps se trouua à Rome le 28. iour de Iuillet, qui
 est la vigile de son martyre au Diaconé de saint
 Cosme & saint Damian, en vn tombeau de
 marbre, avec vn escreteau qui portoit, C'esticy
 le corps de saint Felix Pape & martyr, lequel
 condamna Constance. Cela fut l'an 1582. sous
 Gregoire XIII. Il tint vne fois les Ordres au
 mois de Decembre, où il sacra 21. Prestres, cinq
 Diacres, & dix-neuf Euesques. Et d'autant qu'il
 y a grande varieté entre les auteurs, touchant
 ce qui est de saint Felix, tant de son Pontificat,
 comme de son martyre: tenant cecy pour le plus
 certain & commun; ceux qui voudront voir
 plus au long ce qui concerne saint Felix & son
 predecesseur Libere, qu'ils lisent le troisieme
 Tome des Annales du Cardinal Baronius, & le
 1. Tome des controuerses contre les heretiques
 du Cardinal Robert Bellarmine, qui en parle se-
 ricusement & assurement.

LA VIE DE SAINT LOUP,
 Euesque de Troye, Confesseur.

 Aint Loup estoit natif de la ville de
 Toul pres de Mets en Lorraine, son
 pere s'appelloit Epiroche, de noble
 race, lequel laissant Loup ieune, le re-
 commanda à vn sien oncle qui en eut du soin, &
 tafcha qu'il s'adonnast à l'estude des bonnes let-
 tres, esquelles Loup s'aduança fort, principale-
 ment en l'eloquence. Il espousa la seur de saint
 Hilaire Euesque d'Arles, qui auoit la crainte
 de Dieu, & demeura 7. ans avec elle. Depuis
 ils se separerent d'un mutuel consentement, pour
 seruir à nostre Seigneur Iesus-Christ avec plus
 de perfection, & Loup quittant les plaisirs du
 mariage, les vanitez du siecle, sa maison, les pa-
 rens & amis, se retira dans le Monastere de Li-
 tius, qui florissoit alors en sainteté, afin d'estre
 instruit de saint Honoré qui en estoit Abbé. Il
 y demeura vn an, pratiquant la vertu, & bail-
 lant le col sous l'agreable ioug de I. C. Depuis
 il retourna dans la ville de Malcon, pour distri-
 buer aux pauures ce qui lui restoit de bien. Estât
 là pour cet effect, il fut esleu Euesque de Troyes
 en Champagne, laquelle charge il accepta, de
 peur de s'opposer à la volonté diuine qui l'y ap-
 pelloit, & se vouloit seruir de luy pour le salut
 de plusieurs: A quoy il trouua, reformant les
 mœurs du Clergé, & illuminant par sa doctri-
 ne & predications ordinaires, le simple peuple,
 pouruoians aux necessitez des pauures misera-
 bles, specialement par le lustre & l'esclat de sa
 tres-sainte vie, car il estoit fort deuot & au-
 stere. Il coucha 20. ans durant sur vne table,
 sans vser d'autre liét: il portoit la haire, n'auoit
 qu'une robbe, passoit les nuicts en oraison, il
 demouroit 2. iours sans manger; il pleuroit sou-
 uent, & ses yeux estoient deux sources de larmes,
 le Samedi il ne mangeoit qu'un morceau

du pain d'avoine, il despenoit tout son reuenu apres les pauures, à rachepter liberalement les esclaves. En fin S. Loup estoit en ses actions vn Pasteur vigilant, vn homme Apostolique, & selon le cœur de Nostre Seigneur qui le fauorisa & le rendit illustre par plusieurs miracles. Il guarit vne femme paralytique, & vne autre muette, il rappella en vie vn ieune Gentil-homme nommé Claude, qui estoit abandonné des Medecins, & desia aux abois de la mort: il remit debout vne Dame qui estoit demeurée percluse dix mois entiers, sans remuer pieds ny mains. Nostre Seig. Iesus-Chr. fit bien d'autres merueilles par luy; cars estant allumé vn grand feu en Angleterre par l'heresie de pelage Anglois, & cét embrasement croissant de iour à autre, les Catholiques Anglois aduertirent les Euesques de France du peril que couroit la Religion en leurs Prouinces, les priant de leur enuoyer du secours de personnes qui leur tinsent la main pour rembarter les Pelagiens ennemis de la grace de nostre Seigneur Iesus-Christ, de la vertu, & de la verité.

Les Euesques François assemblerent vn Synode, & deputerent pour ceste expedition deux saints Pasteurs, les lumieres de l'Eglise, à sçauoir saint Germain Euesque d'Auxerre, & saint Loup Euesque de Troye, lesquels voyans l'importance de l'affaire, par l'autorité du Concile & commandement du Pape Celestin premier du nom, s'embarquerent, remplis de zele & de ferueur: combien que le Diable suscitait vne horrible tempeste, pretendist d'emperscher leur voyage, il se tourmenta en vain; car iectans vn peu d'huyle beniste en la mer, les vagues s'appaiserent, & ils prirrent port en angleterre, là où par leurs predications & conferences qu'ils eurent avec les heretiques, les conuainquans & faisans taire par leur sainte vie, confirmée par tant de miracles que Dieu opera par ces saints Prelats, les Catholiques furent consolez & fortifiés, & les heretiques se conuertirent, ou furent confus; & ceste mauuaise semence fut arrachée du champ de l'Eglise de Dieu.

Après ceste glorieuse victoire, les deux Ss. Euesques en acquirēt encore vne autre, d'autāt que les Poiteuins & les Saxons s'estā siettez en Angleterre, chacun de son costé, pour la ruiner & destruire, assemblans ce qu'ils peurēt de gens du pays, ils s'opposerent à l'armée des ennemis qui estoit beaucoup plus puissante, & ayans donné pour signal de mener les mains, *Alleluia, Alleluia*, ils inuokerent par trois fois le saint Nō de Dieu, & mirent à vaude-route le champ des ennemis les deux saints Euesques apres auoir triomphé des relagiens en dispute, & des Saxons en bataille, retournerent victorieux en France.

Nostre Seigneur à quelque temps de là, donna vne troisieme victoire à saint Loup en son Euesché; car la Majesté diuine ayant enuoyé son fleau au monde Attila Roy des Huns, si cruel & carnacier, qu'il se baignoit comme vn Tygre dans le sang humain lequel brula & sac-

29. IUIL-
LET.

agea en France tous les lieux par où il passa, & s'en vint planter son siege deuant Troyes, d'où S. Loup estoit Euesque, lequel voyant qu'il estoit impossible de resister avec les forces humaines à la furie de certyran, il eut recours à nostre Seigneur Iesus-Christ, le suppliant instamment de reprimer la rage de ceste beste farouche & de preseruer le troupeau qu'il luy auoit baillé en garde. Nostre Seig. qui exauce les prieres de ses seruiteurs, & les assiste puissamment en leurs necessitez extrêmes, amolūt Attila, & luy changea tellement le courage, qu'au lieu de faire tort à la ville il pria saint Loup de l'accompagner iusques au bord du Rhin, luy promettant de le renuoyer en seureté, comme il fit. Cét acte fut estimé miraculeux, prouenant de la main de Dieu, qui retint Attila son fleau, de peur qu'il ne deschargast sur ceux qui estoient en la Prouince de Saint Loup.

La maniere dont il adoucit ce Roy barbare, fut qu'il se reuestit de ses habits Pontificaux, & se fit suiure processionnellement du Clergé & du peuple, iusqu'au camp d'Attila, auquel il demanda d'vne sainte grauité: Qui es-tu toy, qui veux apres auoir surmonté tant de Rois, & subiugué tant & tant de Prouinces & nations, rasé les villes & les villages, te faire seigneur du monde? Attila luy respōdit: Je suis Attila le Roy des Huns, & fleau de Dieu. Alors le S. Euesque repliqua. Tu sois le bien venu au fleau de mon Dieu, vse de luy ainsi que sa clemence te le permettra. Apres cela il luy ouurit les portes de la ville, & le Roy barbare s'appaisa, & luy pardonna. Pierre de Natalibus au liure 6. chapit. 1. & saint Anthoine en la seconde partie, tiltre 2. chap. 8. article 4. & autres, disent qu'Attila entrant avec ses soldats dedans la ville de Troyes, nostre Seigneur les aueugla par les prieres de saint Loup, & qu'entrans par vne porte ils sortirent par l'autre, sans faire aucun tort dans la ville: mais les aucheurs plus anciens qui ont escrit les gestes d'Attila, ne parlent point de cela.

Par ces merueilles que Dieu operoit par ce Saint, lesquelles il accompagnoit d'vne vie celeste & Angelique, tous les Roys & princes de la terre l'honorioient & respectoient, prenant plaisir à luy obeyr lors qu'il les prioit de quelque chose pour le seruice du grand Roy du Ciel. S. Loup fut 52. ans Euesque de Troyes, il deceda plein d'années & de merites, au grand regret de tout son peuple, laissant plusieurs disciples qui furent de grands personnages & de saints Prelats: saint Seuer Euesque de Treues, saint Policrone Euesque de Verdun, saint Aubin Euesque de Chaalons, & plusieurs autres. Gregoire de Tours au liure des Confesseurs, chapitre 67. escrit, qu'apres son decez vn esclau s'estāt refugie à son tombeau, de peur que son maistre ne le punist de quelque faute qu'il auoit fait, le maistre s'en courut tout en furie apres son esclau, & le voyant deuant le corps du Saint, commença à blasphemer, & à dire O Loup m'osteras-tu mon esclau des mains: l'airray-ie à le chastier pour toy? et empoignant son esclau,

29.
IVIL.
LET.

ue, il adiousta: Le Loup ne te deliurera pas de main. A l'instât sa langue seicha, & ne parla plus en homme, ains commença à mugir comme vn bœuf, & au bout de 3. iours il mourut miserablement en punition dece qu'il auoit dit, & fait contre l'honneur du S. La vie de saint Loup est rapportée par Surius en son 4. Tome. Les Martyrologes Romais, de Bede, V. suard, Adon en font mention le 29. iour de Iuillet, & Constance qui a escrit la vie de S. Germain d'Auxerre; liu. i. chap. 19. & es subsequents, Sidone Apollinar liure 6. Epistre quatorze, & es vers de la sainte Eucharistie à Fauste, lequel il estime tant, qu'il l'appelle pere des Peres, & Euesque des Euesques. En Bede en l'Histoire d'Angleterre, liure premier, chap. 17. & Adon en sa Chronique, l'an 452. & Sigibert l'an 435. & 436. & le Cardinal Baronius en ses Annotations sur le Martyrologe le 29. iour du mois de Iuillet, au 6. Tome de ses Annales: & au Catalogue des Auteurs d'Angleterre, il est dit que le sage Gildas escriuit la vie de saint Loup.

A Tarascon en Pronence, se fait la feste de sainte Marthe vierge, hostesse de nostre Sauueur, & sœur de sainte Marie Magdelaine, & de saint Lazare. A Rome sur le grand chemin d'Aurele, deceda saint Felix I. du nom, Pape & martyr, lequel pour auoir soustenu & defendu la Foy Catholique, fut chassé de son Siege par l'Empereur Constance Arrien, & puis massacré. Son corps fut premierement ensevely au mesme lieu & depuis transporté en l'Eglise des SS. Cosme & Damian, o'il fut trouué durant le Pontificat de Gregoire treizieme du nom, avec les reliques des saints martyrs Marc, Marcellin, & Traquilin, ensemble des saints Abundie Prestre & Abundance Diacre. Item à Rome sur le chemin du port trespasserent les saints martyrs Faustin, Simplicie, & Beatrix: les deux premiers, apres plusieurs & diuers tourmens, eurent les testes tranchees, du temps de l'Empereur Diocletian: Beatrix qui estoit leur sœur fut estouffée en prison. A Rome encore moururent les saintes vierges Lucille & Flore, & les saints martyrs Eugene, Ambonin, Theodore & dixhuit de leurs copagnons martyrisés du temps de l'Empereur Gallien. A Gangues en Paphlagonie deceda saint Caluaigne martyr, lequel ayant esté batus avec des verges de fer, & puis chauffé de certains brodequins armez de tous costez au dedans de cloux bien pointus, & contrainct en tel estat de courir tres-viste deuant des cheuaux du President, fit un beau miracle en chemin. Car ces barbares qui le tourmentoient, ayans grande soif, il fit sortir de l'eau d'un rocher, & puis fut ietté dans vne fournaize ardante, où il finit son martyre. En Noruege trespassa saint Olaue Roy & martyr. A Troyes en Champagne se fait la feste de S. Loup Euesque & Confesseur, lequel fut enuoyé en Angleterre avec saint Germain pour combattre l'heresie des Pelagiens, & par ses prieres & oraisons defendu la ville de Troyes, de la rage & fureur du sieau de Dieu Attila, qui alloit courant & ranegeant toute la France: & finalement ayant gouverné son Euesché l'espace de cinquante-deux ans, mourut en sainte paix. A Eurenx en Normandie saint Guillaume Euesque & Confesseur.

LA VIE DES SS. MARTYRS,
Abdon & Senen, Peres.

30.
IVIL.
LET.

Es saints Martyrs Abdon & Senen estoient peres de nation, Seigneurs fort riches & puissans en leurs pais, lesquels estans Chrestiens, & voyans souffrir à ceux qui estoient come eux, des tourmens & morts cruelles sous l'Empire de Dece, grand persecuteur de l'Eglise, s'employoient à consoler les ames de ceux qui enduroient pour

Iesus-Christ, & en ensevelir les corps, qui par leur mort estoient paruenus à la vie. Dece sachant ce, la, les fit venir deuant luy, où apres auoir ouy leur confession qu'ils estoient Chrestiens, il les fit mettre en prison, parmy d'autres Peres qu'il tenoit captifs, parce qu'il les vouloit mener en triomphe à Rome, & de fait l'Empereur fit vn superbe triomphe, accompagné d'vne grande multitude de Peres, entre lesquels marchoient abdon & Senen richement vestus, à cause de leur qualité, & enchaînez comme captifs & esclaves. Apres Dece commanda à Claude Perce au Capitole d'apporter vne idole, & dresser vn autel, les exhortant de l'adorer, s'ils vouloient recouurer leur noblesse, leurs biens, & la liberté. Mais les Saints luy responderent constamment qu'ils reconnoissoient, & adoroient Iesus Christ seul vray Dieu, auquel ils s'estoient offerts en holocauste. Il leur cuida faire peur des bestes farouches, dont ils ne firent que rire. On les traîna dans l'Amphitheatre pour les faire agenouiller de force deuant vne statue du Soleil qui y estoit, contre laquelle les Martyrs cracherent, on les fouetta de fouets plombez: & estans despoüillez & couverts de playes, bien qu'ils fussent reueusts de Iesus-Christ & embellis de sa grace diuine, on lacha sur eux dans l'Amphitheatre 2. Lyons & quatre ours, qui se ietterent aux pieds des SS. Martyrs. Le Iuge Valerian attribuant ce miracle à l'art Magique, les fit tuer sur le champ, où ils furent tailléz en pieces, & leurs belles ames allerent iouyr au Ciel de Dieu, laissant leurs corps bouarrelez, & trempés en leur sang: lesquels demourerent 3. iours sans sepulture, pour espouuanter les Chrestiens, neantmoins depuis Quirin Soufidiacre, qu'on dit qui escriuit leur vie, ramassa leurs corps de nuit, & les mit en sa maison, lesquels sous l'Empire du grand Constantin, furent descouverts par reuelation diuine, & transportez au cimetiere de Pontian. L'Eglise celebre sa feste de ces SS. le iour de leur martyre, qui fut le 30. de Iuillet. Le martyrologe & Breuiare Romain fait mention d'eux. V. suard & Surius, &c. en la vie de S. Laurens.

A Rome les Saints Martyrs Abdon & Senen Gentilhommes de Perse, furent sous l'Empereur Dece, premiers batus à coups de plombeaux, & puis decapitez. A Tuberte en Afrique moururent les saintes vierges & martyrs Marthe, Donatille, & Seconde: les deux premieres durant la persecution de Valerian & Galian, furent abbreuees de sel & vinaigre, puis cruellement batuses de verges, tirées & estendues sur le cheualet, puis rosties sur le grill, & au partir de la fenestre avec de la chaux vive. Seconde estant aagée seulement de douze ans, & voyant par la fenestre qu'on menoit les autres deux au martyre, descendit en diligence pour se ranger avec elles: toutes trois furent exposees aux bestes, desquelles n'ayant receu aucun dommage, furent en fin decolées. A Asise ville du Duché de Spoleto, trespassa S. Ruffin martyr. A Cesarée ville de Cappadoce, sainte Iulitte martyre, redemandant en iugement ses biens, qu'un certain Seigneur auoit injustement surpris, pour toute responce de sa partie aduersse, qu'elle n'estoit reconnaissable, & ne meritoit audience, estant Chrestienne. Ce qui enuoya la iuge commander qu'elle offrit de l'encens aux idoles pour estre ouye en cour; Elle refusa de le faire, & pourtant fut restee dans le lieu, où elle vendit son ame à Dieu. Son corps toutesfois ne fut aucunement offensé. S. Basile le grand a magnifiquement conchies par ses loüages. A Auxerre se fait la feste de S. Ours Euesque & Confesseur.